

## DECRETO NÚMERO 12004031

Ilma. Sra. Dona Sonia Méndez García, Tenenta de Alcalde Delegada da Área de Economía, Emprendemento, Autónomos e Educación.

Lugo, 15 de maio de dous mil doce.

Instruído expediente relativo a **PROCEDEMENTO DE LICITACIÓN PARA A AUTORIZACIÓN DE INSTALACIÓN DE POSTOS DE VENDA DE MERCADORÍAS NO ARDE LUCUS 2012 APROBACIÓN DAS BASES TÉCNICAS E ADMINISTRATIVAS. APERTURA DO PROCEDEMENTO DE LICITACIÓN.**

Examinado o expediente de referencia e visto:

1.- Informe proposta do Servizo de Contratación, Patrimonio e Fomento do día 8 de maio de 2012, onde na súa parte expositiva se fai constar o seguinte:

### “ANTECEDENTES

I. Bases técnicas e administrativas que rexerán no procedemento de licitación convocado para a autorización de instalación de postos de venda de mercadorías na festa ARDE LUCUS 2012 elaboradas pola Concellería de Xuventude do Concello de Lugo.

II.- Informe-proposta do Servizo de Contratación, Patrimonio e Fomento de 13 de abril de 2012.

III.- Informe da Intervención Municipal de data 3 de maio de 2012.

IV.- Informe da Asesoría Xurídica Municipal de 7 de maio de 2012 no que se cuestiona a legalidade do criterio de empadronamento para a selección dos beneficiarios.

### CONSIDERACIÓNS XURÍDICAS

**Primeira.** O Concello de Lugo, no marco da festa ARDE LUCUS 2012, desexa autorizar a instalación de setenta postos en terrenos de dominio público habilitados para elo polo propio Concello durante **os días 22, 23 e 24 de xuño de 2012**. Ó tratarse dun uso común especial pola intensidade deste que se realiza, e tal e como establece o RD 1372/1986, de 13 de xuño, polo que se aproba o Regulamento de

## **CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

Bens das Entidades Locais (RBEL), estará suxeito a licenza. O artigo 77.2 do mesmo regulamento establece que estas licenzas se outorgarán directamente, salvo se por calquera circunstancia se limitare o uso das mesmas, en cuio caso o serán por licitación e, se non fose posible, porque tódolos autorizados reuniran as mesmas condicións, mediante sorteo. No suposto de referencia, o número de postos está limitado a setenta, nos lugares delimitados para elo e que figuran nos planos anexos ás bases, razón pola que se propón a aprobación dunhas bases que rexerán no procedemento de licitación que se levará a cabo.

**Segunda.-** Nesta proposta elimínase o criterio de adxudicación de ser licitadores empadroados na cidade de Lugo pasando os puntos correspondentes ( 10 puntos) a engadirse ó criterio de canon ofertado polos licitadores.

**Terceira.** En canto ó órgano competente para a aprobación do procedemento de licitación para a concesión das autorizacións, o artigo 127 da Lei 7/1985, Reguladora das Bases de Réxime Local, establece que corresponde á Xunta de Goberno Local a concesión de calquera tipo de licenzas, salvo que a lexislación sectorial a atribúa expresamente a outro órgano. Mediante acordo numero 19/243 da Xunta de Goberno Local de 25 de abril de 2012 foi delegada as atribucións dictar actos de trámite e resolutivos en relación con este procedemento á Tenente de Alcalde Delegada da Área de Economía, Emprendemento, Autónomos e Educación.”

2.- Novo informe da Intervención Municipal do día 15 de maio de 2012, referencia 195/2012, fiscalizando novamente o presente expediente.

Por todo o anteriormente exposto e en virtude das atribucións delegadas pola Xunta de Goberno Local, no seu acordo nº 19/243 do día 25 de abril de 2012, **RESOLVO:**

**PRIMEIRO.-** Aprobar as bases técnicas e administrativas que rexerán no procedemento de licitación para a autorización de instalación de postos de venda de mercadorías no ARDE LUCUS 2012, do seguinte teor literal:

### **BASES TÉCNICAS E ADMINISTRATIVAS QUE REXERÁN NO PROCEDEMENTO DE LICITACIÓN PARA A AUTORIZACIÓN DE INSTALACIÓN DE POSTOS DE VENDA DE MERCADORÍAS NO ARDE LUCUS 2012**

#### **PRIMEIRA.- OBXECTO DO CONTRATO.**

O obxecto das presentes bases é o outorgamento de autorizacións para a instalación dos setenta postos de venda de mercadorías (non se permitirá a elaboración de

comida neste espazo) durante as festas de Arde Lucus 2012 que se identifican no ANEXO, que levarán aparelada a autorización para esta instalación nos lugares habilitados para elo polo Concello. Non se rexirán baixo as presentes os postos de elaboración de alimentos.

### SEGUNDA.- MODALIDADE, PREZO E SITUACIÓN.

1.- As licencias outorgaranse despois da licitación, que será convocada polo órgano competente do Concello. Cada solicitante solicitará dous posibles paradas por orde de preferencia pero so poderá ser adxudicatario dunha das parcelas.

2.- O prezo que os titulares das autorización para a ocupación do terreo público oferten constitúe unha contraprestación económica que ten a natureza de canon e por finalidade compensar ó Concello polo aproveitamento especial do dominio público por parte dos beneficiarios, sen prexuízo da taxa pola ocupación do dominio público que deban aboar. O prezo ofertado será un dos criterios de adxudicación para proceder á autorización da ocupación da parcela

O importe da taxa prevista na Ordenanza fiscal 152 “taxa por aproveitamento da vía pública” ( Epígrafe E, apartado A) Postos, barracas , espectáculos ou atraccións: por m2 ou fracción de terreo ocupado por día: 0,88 euros.

Dacordo co anterior e tendo en conta os m2 de cada posto e a duracion da ocupación resultan as seguintes taxas:

- Parcelas 2x2 metros (segundo Anexo 1): 10,56 €
- Parcelas 2x3 metros (segundo Anexo 1): 15,84 €
- Parcelas 3x3 metros (segundo Anexo 1): 23,76 €
- Parcelas 4x3 metros (segundo Anexo 1) : 31,68 €
- Parcelas 5x3 metros (segundo Anexo 1) : 39,60 €
- Parcelas 6x3 metros (segundo Anexo 1): 47,52 €
- Parcelas 10x3 metros (segundo Anexo 1): 79,20 €
- Parcelas 15x3 metros (segundo Anexo 1): 118,80 €
- Parcelas 16x3 metros (segundo Anexo 1): 126,72 €

3.- As localizacións dos postos de venda de mercadorías e a súa distribución queda determinado no plano do Proxecto de Arde Lucus. Cada solicitante só poderá acceder a unha parcela.

4.- Co fin de garantir maior variedade nas mercadorías a venda, non se permitirá

## CONTRATACIÓN, PATRIMONIO E FOMENTO.

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

máis dun 10% de paradas de similares características, confeccionándose á hora de baremar diferentes listados atendendo as mercadorías postas a venda.

### TERCEIRA.- DURACIÓN DA OCUPACIÓN.

1.- Tanto a data de montaxe e desmontaxe dos postos de venda de mercadorías como o tempo de funcionamento serán fixados polo Concello cada ano, tomando como base as datas de celebración do Arde Lucus 2012.

2.- Os postos de venda de mercadorías poderán iniciar a montaxe o día 22 de xuño no horario indicado pola Administración. O horario de apertura do mercado será o seguinte:

- Venres 22 de xuño de 2012: de 16:00h a 22:30h.
- Sábado 23 de xuño de 2012: de 11:00h a 14:00h e de 16:00h a 00:00h.
- Domingo 24 de xuño de 2012: de 11:00h a 14:00h e de 16:00h a 21:30h.

Este é o horario de apertura do *Macellum* durante o cal todos os postos de venda deberán permanecer abertos. A elección dos adxudicatarios poderán ampliar o mesmo os mediodías e o venres 22 e sábado 24 pola noite sempre que non superen as 02:00h da madrugada de cada día.

O día 24 de xuño procederán á desmontaxe a partir das 21.30h.

3.- O primeiro día do Arde Lucus, cando se proceda á inauguración da festa, deberán estar montados os postos de venda de mercadorías obxecto de adxudicación. En caso de non ser así perderán automaticamente os dereitos á ocupación dos terreos adxudicados, así como á devolución das cantidades satisfeitas na adxudicación e sen ningún tipo de indemnización.

4.- Os accesos ós colexios, institucións e negocios privados, así como o paso necesario para os vehículos de emerxencia permanecerán libres de obstáculos e garantidos en todo momento.

5.- O adxudicatario non poderá proceder á montaxe do posto de venda de mercadorías ata que o representante do Concello non lle sinale a localización e os límites da súa parcela.

### CUARTA. PROCEDIMIENTO E FORMA DE LICITACIÓN. REQUISITOS

A autorización do uso especial do dominio público mediante ocupación temporal dos

espazos sinalados realizarase mediante licitación pública a fin de garantir o principio de igualdade e concorrncia dos posibles interesados mediante procedemento aberto (art. 78.2 do Regulamento de Bens das Entidades Locais)

Están facultados para tomar parte no procedemento as persoas naturais ou xurídicas, españolas ou estranxeiras, que teñan plena capacidade de obrar e estean dados de alta e ó corrente no pagamento no I.A.E no epígrafe correspondente.

Asimesmo os licitadores deberán atoparse ó corrente no cumprimento das obrigas tributarias -incluídas tamén co Concello de Lugo- e de Seguridade Social impostas polas disposicións vixentes. O Concello comprobará de oficio que se atopa ó corrente coas obrigas tributarias co Concello de Lugo e coa AEAT a cuio efecto deberán autorizar a este Concello para acceder a estes datos, caso contrario deberá acreditar o cumprimento deste requisito coa correspondente certificación.

Poderán presentarse a este procedemento cooperativas e socios cooperativos individualmente se ben neste caso o cumprimento de tódolos requisitos, en particular a alta no IAE e os seguros de responsabilidade civil deberán referirse ó solicitante.

#### QUINTA. INDEMNIZACION POR DANOS NO DOMINIO PÚBLICO. IMPOSICIÓN DE SANCIONES.

Cando o aproveitamento especial levase consigo a destrucción ou estrago do dominio público o beneficiario estará obrigado a reparar os desperfectos ocasionados a súa costa e ademáis poderánse impoñer as sancións establecidas no Título XI da Lei 7/1985 de 2 de abril de bases de réxime local.

Se os danos fosen irreparables o beneficiario indemnizará ó Concello de Lugo na contía igual ó valor dos bens destruídos ou ó importe do estrago causado e quedará imposibilitado para participar nos procedementos para autorización da instalacion de postos nas vindeiras edicións do Arde Lucus nos catro anos seguintes.

#### SEXTA. ANUNCIO DE LICITACIÓN E PRAZO DE PRESENTACIÓN DA DOCUMENTACION

O Concello de Lugo publicará un anuncio de licitación no Boletín Oficial da Provincia de Lugo así como no perfil do contratante do Concello ([www.lugo.es/perfilcontratante/outros](http://www.lugo.es/perfilcontratante/outros))

O prazo de presentación de ofertas será de **DEZ días naturais** contados dende a publicación do anuncio de licitación no Boletín Oficial da Provincia de Lugo.

## CONTRATACIÓN, PATRIMONIO E FOMENTO.

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

### SÉTIMA. PRESENTACIÓN DAS PROPOSICIÓNS

As empresas presentarán a súa proposición en DOUS SOBRES PECHADOS, asinados polo proponente ou polo seu representante, facendo constar fóra dos sobre o título do procedemento, nome do licitador, enderezo, teléfono, correo electrónico e fax para os efectos de notificacións. Os ditos sobres denominaranse coas letras A, DOCUMENTACIÓN ADMINISTRATIVA, e letra B de OFERTA ECONÓMICA.

Os sobres de que consta a proposición presentaranse, durante o prazo sinalado na cláusula sexta antes sinalada, no Rexistro Xeral do Excmo. Concello de Lugo, en horario das 9 ás 14 horas (de luns a venres) No suposto que o último día de presentación das proposicións coincidise en sábado ou festivo prorrogarase ó seguinte día hábil.

### OITAVA. DOCUMENTACIÓN ADMINISTRATIVA E PROPOSTA ECONÓMICA

O sobre denominado A, DOCUMENTACIÓN ADMINISTRATIVA, conterá, como mínimo, os seguintes documentos:

- Acreditativos da personalidade do licitador, que poderán ser:

a) DNI do licitador, se se trata de empresario individual, ou escritura de constitución se se trata dunha sociedade, debidamente inscrita no seu correspondente rexistro.

b) Poder bastantado: os que comparezan ou asinen proposicións representando a outra persoa ou entidade presentarán poder debidamente bastantado pola titular da Asesoría Xurídica do Concello ou por funcionarios do Servizo de Contratación do Concello habilitados para o efecto. Para isto, presentarse orixinal e fotocopia nas oficinas de contratación do Excmo. Concello de Lugo, cunha anterioridade mínima de dous días hábiles ó remate do prazo de presentación das proposicións, das 9,30 ás 14,00 horas, de luns a venrese aboarase a correspondente taxa (10,20 euros). Se a empresa fose persoa xurídica, o poder deberá estar debidamente inscrito no Rexistro Mercantil.

- Presentación da alta no epígrafe correspondente do I.A.E. e, se é o caso, copia do pagamento do último recibo do dito imposto.

Dada a especial natureza da actividade admitirase a aqueles licitadores que no momento da solicitude non estiveran dados de alta por tratarse dunha actividade estacional en cuxo caso deberán achegar unha declaración responsable

comprometéndose a darse de alta no momento da adxudicación ( conforme o modelo do Anexo II)

A adxudicación do posto quedará condicionada á presentación da alta no IAE cunha antelación mínima de quince días anteriores á celebración da festa.

- Declaración responsable (conforme modelo do Anexo II) de que o licitador se atopa ó corrente coas obrigas tributarias coa Axencia Estatal da Administración Tributaria (AEAT) , co Concello de Lugo e coa Seguridade Social.

Alternativamente poderá achegar neste sobre os certificados correspondentes acreditativos do cumprimento destes requisitos.

No caso de que o interesado autorice o acceso por parte do Concello ós datos persoais referentes ó cumprimento das obrigas coa Axencia Estatal da Administración Tributaria non será preciso achegar o dito certificado. A comprobación do cumprimento de atoparse ó corrente coas obrigas tributarias co Concello de Lugo realizarase de oficio polo Concello.

A adxudicación quedará condicionada á comprobación do cumprimento destes requisitos a cuio efecto o Concello de Lugo verificará estas circunstancias e o interesado presentará o certificado expedido pola Seguridade Social en canto dispoña del e en todo caso cunha antelación de quince días anteriores á celebración da festa.

- Seguro de responsabilidade civil en vigor cunha cobertura mínima de 20.000 euros que incluíra cobertura de produtos. A seguridade dos postos de venda de mercadorías e da súa instalación será responsabilidade dos propietarios destes os cales disporán dos certificados técnicos que o avalen.

- Declaración xurada de cumprir durante o Arde Lucus as disposicións vixentes en materia de protección da industria, en materia laboral, da seguridade social e hixiene no traballo e levar a cabo as medidas de prevención de riscos laborais (conforme o modelo do anexo II)

O sobre denominado B, OFERTA ECONÓMICA conterà o seguinte modelo, debidamente cuberto.

Don/a ....., con domicilio en ..... e DNI nº ....., expedido o ....., en plena posesión da súa capacidade xurídica e de obrar, en nome propio (ou en representación de ....., con DNI ou CIF nº .....), fai constar:

**CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

a) Que solicita tomar parte no procedemento convocado polo Concello para a AUTORIZACIÓN DA INSTALACIÓN DE POSTOS DE VENDA DE MERCADORÍAS DURANTES AS FESTAS DE ARDE LUCUS 2012.

b) Que opta á adxudicación dos postos números ( indicar a orde de preferencia).....e oferta o seguinte importe como canon:

Posto num .....: ..... euros

Posto num.....: ..... euros

c) Acepta incondicionalmente cantas obrigas e condicións se deriven destas bases técnicas, como licitador e como adxudicatario, no seu caso.

d) Reúne todas e cada unha das condicións esixidas para contratar coa Administración.

e) Lugo, data e sinatura.

2.- Fotografías recentes do posto de venda e da súa decoración, así coma das mercadorías expostas a venda,... e calquera outro material que considere necesario para poder valorar a adaptación do posto en cuestión á época representada e calquera documentación que considere necesario presentar para baremar a solicitude.

3.- Ficha de inscrición, segundo o Anexo I

4.- Bosquexo acoutado da instalación onde se concreten as dimensións e o espazo a ocupar e declaración da potencia eléctrica.

**NOVENA.- PERIODO DE VIXENCIA DAS ADXUDICACIÓNS E PAGO DAS TAXAS.**

1.- A licenza terá vixencia durante a festa do Arde Lucus 2012.

2.- O prezo ( canon) ofertado correspondente ás festas ingresarase na conta bancaria 2080-0152-66-3110001292 da OP Caixa Galicia, sita na Praza Maior-Lugo, con indicación do nome do adxudicatario, DNI ou NIF e indicando expresamente “adxudicación postos macellum Arde Lucus-2012”, nos dez días hábiles seguintes á notificación da resolución en virtude do cal se concede autorización para a instalación do posto. O adxudicatario deberá aboar as taxas conforme a normativa vixente.

3.- De non aboarse as taxas e o prezo ofertado no prazo establecido e en todo caso antes do día de inicio da festa quedará extinguida e sen efecto a autorización e a parcela quedará a libre disposición do Concello que poderá adxudicala a outra persoa a través do procedemento regulamentario.

No caso, de que unha vez celebrado este procedemento quedara deserto, prazas vacantes ou calquera outro suposto previsto nas seguintes bases, acudirase ó procedemento de adxudicación directa seguindo os listados elaborados pola Comision de avaliación.

#### DÉCIMA: CRITERIOS DE ADXUDICACIÓN:

##### 1.- Oferta económica (ata 70 puntos)

Obterán a máxima puntuación neste apartado (70 puntos) o licitador que oferte o prezo máis alto para cada parcela, tendo en conta as características especificadas nestas bases. Obterán 0 puntos aqueles licitadores que non melloren o prezo da licitación ( que corresponde coa taxa mínima de cada posto conforme os metros cuadrados segundo a Ordenanza Fiscal) e o resto das ofertas valoraranse de forma proporcional.

2.- Pola participación en edicións anteriores da festa. Valorarase a participación nos anos 2010 e 2011 (5 puntos por edición, ata un máximo de 10 puntos).

3.- Adecuación das paradas e da súa decoración, así como a vestimenta das persoas encargadas da venda e os produtos que se ofertan (ata un máximo de 10 puntos). Para a súa valoración será necesario a presentación de fotografías recentes.

4.- Por posuir carné de artesano ou documento comprobativo da actividade artesanal, expedido pola Comunidade Autónoma correspondente (5 puntos).

5.- Pola realización gratuíta de obradoiros de demostración de artesanía (0,50 por cada hora de demostración de obradoiros ata un máximo de 5 puntos), a organización determinará en consenso cos artesáns os horarios de demostración ó público.

No caso de producirse empate no cómputo das puntuacións primará a oferta económica.

Quedarán excluídos do procedemento aqueles licitadores que á vista da documentación presentada, en particular as fotografías ou descrición da decoración das paradas, vestimenta e produtos ou materias á venda non resulten conformes

## **CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

coas esixencias destas bases por non ser acordes coa temática do mercado romano ou por supoñer un incumprimento das obrigas establecidas na base oitava.

### DÉCIMO PRIMEIRA: PROCEDEMENTO.

O acto público de apertura das proposicións dos interesados celebrarase ó primeiro día hábil posterior ó remate do prazo de presentación. Previamente a comisión avaliadora calificará a documentación administrativa contida no sobre A, podendo conceder un prazo de tres días hábiles para a subsanación de erros e a continuación procederá en acto público á apertura do sobre B.

A Comisión avaliará a ofertas presentadas e realizara unha proposta de adxudicación ó órgano competente do Concello elaborando a lista de solicitudes por cada categoría de venda e dentro desta por orde de puntuación para utilizar en caso de adxudicación directa.

A Comisión avaliadora quedara constituída por as seguintes persoas:

- A Concelleira Delegada de Benestar Social, Igualdade e Xuventude
- Un/unha traballador/a da Concellería de Xuventude
- O Xefe do Servizo de Contratación ou funcionario/a que o substitúa, que actuará como secretario.

Se trala selección pola Comisión quedasen postos sen cubrir, esta invitará ós interesados que presentaron oferta pero non foron seleccionados ós efectos de que, si o estiman oportuno, presenten no prazo máximo de dez días hábiles dende a invitación nova oferta de prezo para algun dos postos que quedaron vacantes.

O órgano municipal competente, á vista da proposta da Comisión Avaliadora, resolverá o procedemento. Este acordo ou resolución notificarase ós interesados e publicarase no perfil do contratante.

A adxudicación quedará condicionada, se é o caso, á presentación da correspondente alta no IAE así como á acreditación do cumprimento de tódolos requisitos esixidos, en particular o cumprimento das obrigas tributarias.

### DECIMO SEGUNDA: DEREITOS E OBRIGAS.

#### Dereitos.

- Os adxudicatarios terán dereito á utilización do dominio público exclusivamente para o exercicio da actividade de postos de venda de mercadorías, de acordo co

establecido nestas bases.

- O Concello de Lugo proporcionará puntos de auga e luz suficientes para que os adxudicatarios desenvolvan a súa actividade non podendo sobrepassar os limites de potencia eléctrica solicitada na ficha de inscrición.

#### Obrigas.

- Os autorizados deberán instalar o posto de venda de mercadorías na parcela adxudicada, quedando prohibido calquer traspaso ou cesión do dereito.  
- Os autorizados teñen que decorar os seus espazos dacordo ca proposta presentada na solicitude, a cal debera obedecer as seguintes indicacións:

- a) Os postos deben ser de madeira ou en caso contrario, estar cubertos de tecidos rústicos (lenzo, tea de saco, liño). Non estarán a vista plásticos nin materiais que non estean acordes ca época romana a recrear, non podéndose fixarse ou ancoarase no pavimento.
- b) Quedan prohibidas as carpas industriais, toldos de plástico e estruturas artificiais non acordes á época.
- c) Cada autorizado deberá poseer, como requisitos mínimos: unha alargadera eléctrica para conectarse ao punto de luz suministrado; elementos necesarios para iluminar a súa parada, así como dun limitador de electricidade no seu posto de venda. Os adxudicatarios deberán iluminar as súas paradas con bombillas de baixo consumo, as cales deberán estar disimuladas.
- d) Todos os carteis, prezos e rótulos estarán adaptados a estética romana.
- e) Non se poderan empregar balanzas, excepto as “romanas” a non ser que estén debidamente tapadas ou disimuladas para que non se vexa ningún material que non sexa acorde ca temática da festa. Igualmente sucederá cas calculadoras.

- Os autorizados promoveran a venda e/ou demostración de materiais e produtos acordes ca época de recreación do “ARDE LUCUS”: traballos en barro, vimbio, madeira, coiro, pedra, ferro, peles, tecidos, osos, astas, frores, bisutería, xoiería, armas, vestiario, calzado así como produtos alimenticios e prantas. De igual xeito poderase vender calquer outro material ou produto no incluído anteriormente e que se axuste a temática da festa.

- Os produtos e materiais a venda deberán ser acordes á temática do mercado romano.

- Os autorizados comprometéense a vender exclusivamente os materiais e produtos descritos na ficha de inscrición e para os cales a organización concedeu autorización.

## **CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

- Non se fará publicidade de ningunha marca comercial; excepto no caso de que sexan produtos elaborados polo adxudicatario.
- O Concello de Lugo esixirá a existencia nas paradas que para a realización de demostracións ou fabricación in situ empregan combustibles ou materiais inflamables, dispoñan das medidas de prevención para combatir posibles conatos de incendios, exixíndose como mínimo a presenza dun extintor.
- Todas as persoas que vaian estar no posto vestiran traxes acordes a época romana, durante todo o período de funcionamento do mercado, non exhibindo en circunstancia algunha, obxectos utilitarios ou adornos modernos, como reloxo, teléfonos móbiles, zapatos ou outros.
- Os autorizados observarán cos usuarios do servizo a oportuna afabilidade e deferencia, dentro dun trato cordial e de respecto.
- Os autorizados respetarán o horario de apertura do mercado.
- Os autorizados que realicen demostracións de fabricación de artesanía de cara o público, deberán respetar o horario establecido pola organización.
- O servizo prestarase coa continuidade convida, adaptándose en todo caso o seu horario e días de apertura ó establecido para o funcionamento.
- O autorizado cumprirá en todo momento as instrucións de orde xeral que lle sexan formuladas pola Administración.
- Os autorizados están obrigados ó cumprimento das disposicións vixentes en materia de protección da industria, en materia laboral, da seguridade social e hixiene no traballo.
- Os autorizados presentarán ante a Concellería de Xuventude, para o seu selado, a lista de prezos que terá vixencia durante a festa e que deberá estar exposta nun lugar visible ó longo da mesma. Así mesmo, deberán respetar a lexislación vixente sobre os dereitos do consumidor.
- Os autorizados deberán comprometerse a que, unha vez rematada a vixencia da autorización e desmontado o posto, a parcela deberá estar nas mesmas condicións que ó inicio da actividade.

O incumprimento destas obrigas por parte do adxudicatario ou a infracción das disposicións sobre seguridade por parte do persoal técnico designado polo adxudicatario non implicará responsabilidade ningunha para a administración contratante.

O Excmo. Concello de Lugo resérvase o dereito de inspección permanente sobre o cumprimento, por parte do adxudicatario, das obrigas anteriormente sinaladas, tendo

ademais este o deber de facilitarlle ó Concello canta información ou documentación lle solicitase calquera dos seus departamentos.

### DÉCIMO TERCEIRA: PROHIBICIÓNS

Ó montar e desmontar as instalacións e durante todo o período de vixencia da licenza queda totalmente prohibido:

- Invadir, pisar e/ou amontoar materiais nas zonas verdes, o mesmo que ancorar nelas elementos de sustentación ou de apoio das instalacións ou dos seus accesorios.
- Ó montar e desmontar a parada durante a festa.
- Acumular desperdicios no exterior dos postos de venda de mercadorías.
- Estragar, arrincar ou pisar as especies vexetais existentes, así como despuntar, cortar ou desgarrar pólas de árbores e arbustos existentes.
- Cravar elementos punzantes no pavimento, así como colocar carteis, tomas de auga, instalar abrazadeiras ou calquera outro elemento de sustentación ou apoio sobre o arborado existente.
- Todos os equipamentos de xardín (puntos de luz, bancos, papeleiras, fontes, bordes perimetrais etc.) manteranse perfectamente conservados.
- A utilización de elementos visibles non acordes coa temática da festa (plásticos, reloxos, roupa actual, ...)
- Iniciar a montaxe da actividade antes do planeamento e a autorización polos técnicos municipais e a modificación do emprazamento da actividade unha vez verificado.
- Facer publicidade de marcas que non sexan patrocinadores do Arde Lucus.
- O uso de megafonía.
- Non se permitirá a instalación de postos de elaboración de comidas neste espazo.
- Está prohibido á venda de produtos de plástico, modernos, ... ou que non se adapten a época do mercado.

O incumprimento dos puntos anteriores obrigará ao adxudicatario a compensar os danos e perdas ocasionados, de acordo coa valoración que efectúe o Concello, e poderá ser penalizado coa perda de todos os dereitos de adxudicación, obrigando a levantar inmediatamente a instalación e perdendo o dereito a participar no procedemento de licitación en anos posteriores.

### DÉCIMO CUARTA: INFRACCIÓNS

Sen prexuízo da extinción da autorización polos motivos sinalados na cláusula

## **CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

décimo primeira, o incumprimento das obrigas sinaladas na cláusula décimo segunda ou a comision dalgunha das prohibicións sinaladas anteriormente dará lugar á imposición de sanción consistente na perda do dereito a participar en procedementos de licitación posteriores ademáis da indemnización dos danos e perxuízos causados.

### DÉCIMA QUINTA: Extinción das licenzas.

Declararase a extinción da adxudicación:

- De mutuo acordo co Concello, cando non se cause prexuízo ó propio Concello nin a outros adxudicatarios.
- Por resolución do Concello cando:
  - \* Por falta de pago das taxas e o prezo ofertado nos prazos establecidos
  - \* O adxudicatario non aboe os danos causados nin as sancións impostas.
  - \* O adxudicatario se negue reiteradamente a cumprir as ordes da Administración cando comprometa a seguridade, hixiene ou sanidade dos usuarios.
  - \* Exista incumprimento reiterado grave das obrigas de adxudicatario sinaladas na cláusula décimo segunda ou a comisión das prohibicións a que se refire a cláusula décimo terceira

A extinción da licenza será efectuada polo órgano competente, despois do informe da Concellería de Xuventude, sen prexuízo do trámite de audiencia ó adxudicatario, por espazo dun día.

A extinción culpable da licenza dará lugar á inhabilitación do industrial para ser adxudicatario dun posto de venda de mercadorías no Arde Lucus durante os próximos CATRO ANOS e a orde de levantamento e desmontaxe do posto de venda de mercadorías, todo isto sen prexuízo de esixirlle ó adxudicatario, ante as instancias xudiciais competentes, as responsabilidades que procedan.”

## **ANEXO I – FICHA DE INSCRIPCIÓN**



<b>RÓTULO PARADA</b>	

APELIDO 1		APELIDO 2		NOME		CIF, NIF, DNI,	
<b>TALLER DEMOSTRATIVO: DESCRÍBEO BREVEMENTE</b>							
DOMICILIO		POBLACION		CI		PROV.	PAIS
Nº DE HORAS:							
TELF. 1	TELF. 2	TELF. MÓVIL		FAX	E-MAIL		
CARNET, CARTA OU CERTIFICADO DE ARTESANO Nº:			COMUNIDAD AUTÓNOMA QUE O EMITE:			VÁLIDO ATA:	
CERTIFICADO MANIPULADOR ALIMENTOS:				REXISTRO DE SANIDADE			
OFICIO OU ACTIVIDADE:							
PRODUTOS QUE ELABORA OU COMERCIALIZA:							
MATERIAIS QUE UTILIZA NA ELABORACIÓN:							
PARTICIPACIÓN ANO 2010			PARTICIPACIÓN ANO 2011				

¿NECESITA ELECTRICIDAD?	ESPECIFICAR UTILIZACIÓN				POTENCIA SOLICITADA	
¿PRECISA BUTANO?		FECHA REVISIÓN DE INSTALACIÓN			¿DISPÓN DE EXTINTOR?	

DESCRIPCIÓN DA PARADA		METROS LINEAIS:	METROS DE FONDO: (incluido fondo do teito)	METROS ALTURA:

<b>DATOS DO VEHICULO/S DE MONTAXE:</b>				
Matricula 1		Matricula 2		Matricula 3

Declaro baixo a miña responsabilidade que os datos reflectidos neste documento son verídicos.

Firmado o titular ou responsable da Parada

**CONTRATACIÓN, PATRIMONIO E FOMENTO.**

MLA/jlgn

Refª: DECRETO BASES VENDA MERCADORIAS ARDE LUCUS 2012.doc

Asunto:

Fecha solicitud: \_\_\_\_\_ de \_\_\_\_\_ de 2012

**ANEXO II**

**DECLARACIÓN XURADA**

Dña./D. \_\_\_\_\_ co NIF nº  
\_\_\_\_\_ en calidade de  
\_\_\_\_\_ da empresa  
\_\_\_\_\_ con enderezo social en  
\_\_\_\_\_ e con CIF nº \_\_\_\_\_ DECLARO :

1.- Estar ó corrente no cumprimento das obrigas tributarias coa Axencia Estatal da Administración Tributaria, co Concello de Lugo e coa Seguridade social.

2.- Estar dado de alta no Imposto de Actividades Económicas no epígrafe..... e ó corrente no pagamento do ultimo recibo

3.- Comprométome a darme de alta no Imposto de Actividades Económicas no momento da adxudicación do posto para a festa de Arde Lucus 2012.

*\* Os puntos 2 e 3 son alternativos. So deberá transcribir o que corresponda.*

4.- Cumprir coas disposicións vixentes en materia de protección da industria, en materia laboral, da seguridade social e hixiene no traballo.

5.-Autorizo ó Concello de Lugo a acceder ós meus datos de carácter persoal relativos ó cumprimento das miñas obrigas tributarias coa Axencia Estatal da Administración Tributaria, do Concello de Lugo e coa Seguridade Social.

Lugo,..... de ..... de .....  
Asdo.

(DNI da persoa solicitante e selo da empresa)

**SEGUNDO.-** Publicar un anuncio de licitación no Boletín Oficial da Provincia de Lugo e no perfil do contratante do Concello de Lugo.

Cúmprase.